

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 9. i 58. Zakona o sportu („Službene novine Srednjobosanskog kantona“, broj: 8/05 i 3/10) i na osnovu Odluke Vlade o programu utroška sredstava - oblast sporta za 2026. godinu, broj: 01-11.7-1922/2026 od 12.3.2026. godine, Ministarstvo obrazovanja, nauke, mladih, kulture i sporta objavljuje

**JAVNI POZIV
za sufinansiranje projekata i aktivnosti iz oblasti sporta za 2026. godinu**

Član 1.

Predmet poziva je dostavljanje prijava za raspodjelu sredstava iz Budžeta Srednjobosanskog kantona za 2026. godinu („Službene novine Srednjobosanskog kantona“, broj: 01/26), koji se odnosi na sredstva sa pozicija: „Tekući transferi neprofitnim organizacijama - za sport“, „Tekući transferi pojedincima - za sport“, „Tekući transferi drugim nivoima vlasti i fondovima - za sport“, „Subvencije privatnim preduzećima i preduzetnicima - za sport“ i „Kapitalni transferi neprofitnim organizacijama – za sport.

Član 2.

Sredstva će se dodjeljivati za sufinansiranje projekata i aktivnosti u cilju ostvarivanja javnog interesa na nivou Srednjobosanskog kantona (u daljem tekstu: Kanton), u skladu sa raspoloživim sredstvima u Budžetu za 2026. godinu i Zakonu o izvršavanju Budžeta za 2026. godinu.

Član 3.

Nosioци sportskih aktivnosti: sportski klubovi, sportski klubovi invalidnih lica, sportski savezi, sportisti pojedinci, sportski stručni radnici, privatna preduzeća i preduzetnici, općine, mjesne zajednice i ostala udruženja iz oblasti sporta, mogu se prijaviti na javni poziv ako ispunjavaju sljedeće uvjete:

- a) da realizuju aktivnosti iz oblasti sporta i isti djeluju ili provode svoje projekte i druge aktivnosti na prostoru kantona u skladu sa Zakonom o sportu;
- b) da su registrovani u skladu sa važećim zakonima;
- c) da daju podršku razvoju sporta;
- d) da daju podršku za aktivnost i uključivanje školske populacije-organizovana sportska takmičenja;
- e) da daju podršku sportskim aktivnostima lica sa invaliditetom.

Član 4.

Prijavu za dodjelu sredstava mogu podnijeti svi navedeni nosioci sportskih aktivnosti iz člana 3., čiji se programi, projekti i aktivnosti odnose na:

- a) učešće na ligaškim prvenstvenim takmičenjima koje organizuju nadležni sportski savezi na prostoru kantona (kantonalna takmičenja), na prostoru FBiH (federalna takmičenja) ili na prostoru BiH (državna takmičenja);
- b) aktivnosti i takmičenja sportskih klubova koji nemaju ligaška takmičenja (turniri i sezonska takmičenja);
- c) sportske stručne radnike ukoliko su angažovani u radu udruženja iz oblasti sporta na prostoru kantona ili djeluju samostalno;
- d) organizaciju zvaničnih državnih i međunarodnih takmičenja;
- e) aktivnosti i takmičenja sportskih klubova invalidnih lica;
- f) sportske aktivnosti i takmičenja učenika i studenata;
- g) pripreme i takmičenja perspektivnih sportista koji su članovi reprezentativnih selekcija BiH (**kadeti, juniori i seniori**) i koji su postigli zapažene rezultate na federalnoj, državnoj, balkanskoj, evropskoj i svjetskoj razini u prethodnoj godini;
- h) projekte sportskih saveza: organizovanje ligaških takmičenja, seminara, manifestacija od značaja za kanton i šire, manifestacija koje uključuju masovnije učešće školske djece i omladine s ciljem poboljšanja zdravlja (rekreativni sport i sport za sve);
- i) izgradnju, rekonstrukciju i opremanje sportskih objekata i terena;
- j) druge sportske manifestacije u organizaciji ostalih udruženja iz oblasti sporta.

Član 5.

Sportski klubovi i sportski klubovi lica sa invaliditetom koji su upisani u Registar Ministarstva obrazovanja, nauke, mladih, kulture i sporta obavezni su dostaviti sljedeću dokumentaciju:

- a) Popunjen prijavni **obrazac br.1** (ovjeren i potpisan od strane odgovarajućeg kantonalnog, federalnog ili državnog granskog sportskog saveza);
- b) Potvrda banke ili Instrukcija za uplatu sredstava iz koje je vidljiv subjekat koji prijavljuje projekat, broj transakcijskog/tekućeg računa i da je račun korisnika aktivan/solventan, ID broj- identifikacijski broj poreznog obaveznika (ne starija od tri mjeseca);
- c) Izjavu o saglasnosti za obradu ličnih podataka;

Član 6.

Sportski savezi obavezni su dostaviti sljedeću dokumentaciju:

- a) Rješenje o upisu u Registar udruženja Ministarstva pravosuđa i uprave SBK ili Aktuelni izvod iz registra udruženja;
- b) Uvjerenje o poreznoj registraciji/identifikacijski (ID) broj;
- c) Potvrda banke ili Instrukcija za uplatu sredstava iz koje je vidljiv subjekat koji prijavljuje projekat, broj transakcijskog/tekućeg računa i da je račun korisnika aktivan/solventan, ID broj- identifikacijski broj poreznog obaveznika (ne starija od tri mjeseca);
- d) Izjavu o saglasnosti za obradu ličnih podataka.

Član 7.

Sportisti pojedinci i sportski stručni radnici obavezni su dostaviti sljedeću dokumentaciju:

- a) Lična karta;

- b) Licenca (ukoliko je posjeduju);
- c) Potvrda banke ili Instrukcija za uplatu sredstava iz koje je vidljivo ime i prezime lica koje prijavljuje projekat, broj transakcijskog/tekućeg računa i da je račun korisnika aktivan/solventan, JMBG - jedinstveni matični broj građanina (ne starija od tri mjeseca);
- d) Izjavu o saglasnosti za obradu ličnih podataka.

Prijave sportista pojedinaca i sportskih stručnih radnika koji su članovi neke od reprezentativnih selekcija BiH sa navedenim postignutim rezultatima u prethodnoj godini, a koje nisu ovjerene od granskog saveza na nivou države, neće se uzimati u razmatranje.

Član 8.

Podnosioci prijave koji nisu upisani u Registar Ministarstva obrazovanja, nauke, mladih, kulture i sporta (klubovi koji su u sistemu takmičenja), obavezni su dostaviti sljedeću dokumentaciju:

- a) Popunjen prijavni **obrazac br.1** (ovjeren i potpisan od strane odgovarajućeg kantonalnog, federalnog ili državnog granskog sportskog saveza);
- b) Rješenje o upisu u Registar udruženja Ministarstva pravosuđa i uprave SBK ili Aktuelni izvod iz registra udruženja;
- c) Uvjerenje o poreznoj registraciji/identifikacijski (ID) broj;
- d) Potvrda banke ili Instrukcija za uplatu sredstava iz koje je vidljiv subjekat koji prijavljuje projekat, broj transakcijskog/tekućeg računa i da je račun korisnika aktivan/solventan, ID broj- identifikacijski broj poreznog obaveznika (ne starija od tri mjeseca);
- e) Izjavu o saglasnosti za obradu ličnih podataka.

Član 9.

Ostala udruženja iz oblasti sporta, obavezna su dostaviti sljedeću dokumentaciju:

- a) Rješenje o upisu u Registar udruženja Ministarstva pravosuđa i uprave SBK ili Aktuelni izvod iz registra udruženja;
- b) Uvjerenje o poreznoj registraciji/identifikacijski (ID) broj;
- c) Potvrda banke ili Instrukcija za uplatu sredstava iz koje je vidljiv subjekat koji prijavljuje projekat, broj transakcijskog/tekućeg računa i da je račun korisnika aktivan/solventan, ID broj- identifikacijski broj poreznog obaveznika (ne starija od tri mjeseca);
- d) Izjavu o saglasnosti za obradu ličnih podataka.

Član 10.

Za sufinansiranje izgradnje, rekonstrukcije i opremanja sportskih objekata i terena u oblasti sporta na prostoru Srednjobosanskog kantona, mogu se prijaviti općine, mjesne zajednice, ustanove i udruženja te su obavezni dostaviti sljedeću dokumentaciju:

- a) Rješenje o registraciji ili Aktuelni izvod od nadležnog suda (javna ustanova i javno preduzeće); Rješenje o upisu u Registar mjesnih zajednica (mjesna zajednica); Rješenje o upisu u Registar udruženja Ministarstva pravosuđa i uprave SBK ili Aktuelni izvod iz registra udruženja (udruženje);
- b) Uvjerenje o poreznoj registraciji/identifikacijski (ID) broj;
- c) Detaljan opis projekta;
- d) Izjavu da je objekat od javnog interesa i da nema zakonskih smetnji za izvođenje navedenih radova;
- e) Izjavu da je osiguran dio sredstava za realizaciju navedenog projekta;
- f) Dokaz o vlasništvu ili o pravu upravljanja sportskim objektom/terenom;

- g) Potvrda banke ili Instrukcija za uplatu sredstava iz koje je vidljiv subjekat ili osoba koja prijavljuje projekat, broj transakcijskog/tekućeg računa i da je račun korisnika aktivan/solventan, ID broj, a za budžetske korisnike koji koriste depozitne račune potrebno je dostaviti potvrdu od pravne osobe na čije je ime otvoren depozitni račun, s brojem depozitnog računa i instrukcijom za plaćanje (ne starija od tri mjeseca);
- h) Izjavu o saglasnosti za obradu ličnih podataka.

Član 11.

Kriteriji za raspodjelu sredstava za korisnike iz člana 10. ovog poziva:

- a) značaj sportskog objekta za razvoj sporta i stvaranje uslova za sportsko-rekreativne aktivnosti i vrhunski sport;
- b) postojeće stanje objekta i neophodnost radova (izgradnja ili rekonstrukcija svlačionica, uređenje igrališta, izgradnja ograde oko igrališta, uvođenje sistema grijanja, interventna sanacija objekta ili izgradnja novog objekta);
- c) obim korištenja objekta i broj korisnika.

Član 12.

Kriteriji za vrednovanje prijave za korisnike iz člana 10. ovog poziva su:

- a) kvalitet prijedloga projekta (ekonomičnost i mogućnost realizacije projekta);
- b) kvalitet budžeta (finansijska pomoć iz drugih izvora, te osigurana sredstava za realizaciju projekta);
- c) doprinos razvoju sporta na prostoru općine i kantona;
- d) doprinos radu s mladima u sportu;
- e) doprinos poboljšanju uslova za treniranje i takmičenje;
- f) doprinos provođenju sportske rekreacije i poduke i
- g) doprinos podizanju cjelokupne kvalitete života stanovništva na prostoru općine i kantona.

Član 13.

Prijave na javni poziv sa obaveznom dokumentacijom, isključivo dostaviti **elektronski**, putem poveznice dostupne na web stranici ministarstva:

(<https://triumphy-eforms.eu/authentication/login>)

Rok za dostavljanje prijave na javni poziv je **30 (trideset)** dana od dana objave na web stranici Ministarstva.

Član 14.

Komisija će razmatrati podnesene prijave projekata te izvršiti vrednovanje i odabir istih po navedenim kriterijima i drugim propisima i iste dostaviti na uvid Ministru. Odluku o raspodjeli sredstava za oblast sporta donijet će Vlada Kantona na prijedlog Ministarstva i ista će biti objavljena u Službenim novinama Kantona i web stranici ministarstva.

Član 15.

Nakon što Vlada Kantona donese Odluku o raspodjeli sredstava korisnicima, isti su obavezni sklopiti Ugovor sa Ministarstvom u kojem će se definisati obaveze nosioca projekta kao i obaveze Ministarstva.

Ukoliko korisnik sredstava ne prihvati uslove propisane ugovorom iz stava (1) ovog člana, gubi pravo na korištenje sredstava.

Član 16.

U postupku poziva Ministarstvo zadržava pravo da projekat prihvati u potpunosti, djelimično ili ga u potpunosti odbije, poništi javni poziv ili odbaci sve prijavljene projekte. Ministarstvo će na svojoj web stranici objaviti popis prijave koje ne ispunjavaju uslove javnog poziva i omogućiti podnosiocima prijave pravo prigovora u tačno određenom roku.

Član 17.

Nepotpune i neuredne prijave neće biti predmet razmatranja.

Korisnici koji nisu opravdali sredstva u skladu sa potpisanim Ugovorom o namjenskom utrošku sredstava za 2025. godinu neće biti predmet razmatranja.

Korisnici sredstava obavezni su u svojim arhivama posjedovati i čuvati finansijske dokumente kojima se dokazuje utrošak sredstava te su obavezni, na zahtjev Ministarstva i drugih nadležnih organa, dostaviti iste na uvid.

Prijavni obrazac broj 1 i izjava o saglasnosti dostupni su za preuzimanje putem aplikacije za prijavu.

Izjavu o saglasnosti za obradu ličnih podataka dostavlja svako fizičko lice čiji se lični podaci obrađuju. U slučaju da je podnosilac prijave pravno lice, izjavu potpisuje ovlaštena osoba tog pravnog lica, dajući saglasnost za obradu svojih ličnih podataka.

Prijavni obrazac broj 1 mora biti ovjeren u periodu trajanja javnog poziva.

Svako pravno lice ima pravo prijaviti najviše dva programa ili projekta, dok fizičko lice ima pravo prijaviti jedan program ili projekat.

E-mail adresa mora odgovarati nazivu/imenu pravnog/fizičkog lica koje se prijavljuje na javni poziv.

Sva tražena dokumentacija mora biti uploadovana na tačno predviđena mjesta.

Ako maloljetna osoba ima račun: šalje prijavu sama i prilaže pasoš (ako nema ličnu kartu), a ako nema račun: prijavu podnosi roditelj ili staratelj, pri čemu roditelj dostavlja svoju dokumentaciju uz naglasak za koga se projekat prijavljuje.

Svi skenirani dokumenti moraju biti jasno vidljivi i kompletni (bez odsječenih dijelova, loših skeniranja itd.).

Institucije čiji je osnivač Kanton nemaju pravo prijave.

Prijedlog raspodjele sredstava izvršit će komisija na osnovu propisanih kriterija i isti će dostaviti na uvid Ministru. Konačnu Odluku o raspodjeli sredstava donosi Vlada Srednjobosanskog kantona na prijedlog Ministarstva i ista će biti objavljena u Službenim novinama Srednjobosanskog kantona i na web stranici ministarstva.

Za sve informacije i nejasnoće vezano za javni poziv možete nas kontaktirati putem e-mail adresa: monks.tr@bih.net.ba ili fatima.jelcic@sbk-ksb.gov.ba.

Broj: 05-11-583 /2026

Travnik, 3.4. 2026. godine



MINISTAR

Bojan Domic